



明三元太傅商文毅公年譜卷之三



元孫振倫編

來孫

之彝
之巖

之甸
之都校

分紀

憲宗純皇帝成化五年己丑公年五十六歲

三月奉

上命廷試費闈等二百五十人

九月疏乞仲子良臣展祭丘隴奉

旨可

賜楮幣鑑寶以歸

○按尚書薛公遠曰兵部尚書兼翰林院學士淳安商公以宏才碩德匡輔治化退食之暇恒念故鄉先隴文違第職在近密未敢言歸乃封章乞以子編脩良臣代行得

允其請戒行有日予惟上之所以待公公之所以忠

上咸盡其道而內翰又能將君父之命歸展桑梓以慰孝思君臣父子之間可謂各

全其美矣予不揣鄙陋庸賦近體一律以贈云
綸音朝下

九重天歸謁松楸路幾千征袂暫違清禁直行裝遙上
載書船斗南夜靜文星燦雲際秋深鴈影聯好慰
相君忠孝念故鄉莫遣父留連
○又

送商編脩祭祖歸淳安詩

昭代敷文教名家發俊賢

君臣千載遇父子一經傳道合魚遊水謨明楫濟川奮
庸熙

帝載致治屢豐年 經幄陳時政 台階贊化權身依
紅日近心繫白雲邊 夢寐情徒切論思任益專 貳郎堪

接步萬事足分肩石室編磨暇
金門乞請堅榮膺 丹陛詔暫別 玉堂僊仰荷

重瞳寵深懷具慶憐黃花京國酒白露故鄉船送送人
分袂遲遲馬怯鞭潞河蘭棹疾揚子桂帆懸珮雜
嚴灘雨衣侵繡嶺煙薦馨昭孝敬錫福及曾玄子
弟桃夭會門庭鵲駕聯一時惟好集百世慶流延

早整歸

朝旆何須近郭田人生貴忠孝羨子兩能全

贈 成化五年秋九月九日資德大夫吏部尚書姚夔

○又嚴親黃閣秉鈞衡回望松楸隔九京有子先承歸
展志無人羨畫遊榮遙辭金馬玉堂侶獨上瑣
雲紅樹來歲春風花正好都門携酒遠相迎

天津劉鈺

○又

橋梓聯名在玉堂故園違別幾星霜心關楸隴蒸
堂遠疏遠楓宸雨露香南去鴈鴻誇各舉北來
鵬鷲看同翔春風桂棹還須疾主眷親情孰可
忘河東邢讓

冬不雪具疏力陳時政之弊

上是其言

○賀兵部尚書兼翰林院學士素菴商公復起序
天生間世之才本為治平之輔然時用藏固於分

定無所繫其於人心世道實所繫也豈偶然哉
昔殷說方其未遇築巖自如高宗求置左右納誼
輔德克底紹綏之休延祚數百年書曰天惟純佑
命則商實詩曰天命多辟斯之謂也肆我

皇上肇承大統祗保佑命惟圖任舊人惟胥用俊又特
起素菴商公弘載于淳安山中復授兵部左侍郎
翰林院學士入

內閣同知經筵事公疏懇辭至再至三

上命勿貳倚注日隆歲餘陞兵部尚書兼職如初
命一下自朝之縉紳暨中外士庶凡有知識者莫不
胥慶祝悅聞而樂之如一口蓋公之為人望也久
矣公世有令德間生賢才天資粹美學行夙成當
英聖勵精之初公角藝浙閩魁多士再試禮闈魁天下

廷試第一賜進士及第我朝崇重科目百餘年之
久三元始公一人遂授翰林脩撰從容館閣事皆

老練時揚文穆先生當座未嘗以後進待公繼而
游陟華階如前侍郎學士加燕左春坊大學士更
景泰至天順紀元公退處于鄉恬寂林壑間聲跡
屏絕於城府雖故舊貴勢過其地弗獲面將終身
公今簡自 宸衷適與殷宗夢賚良弼同一揆實
天祚

皇明億萬年無疆之休也當殷君臣惟以相遇為難更
喻益勵而期至於聖數千載之下尚能使人興起
今公感遇不已式欽承匪懈尚期

聖德符唐虞世治紹熙皞皞比肩咎夔邁跡殷傳此予之
所以望于公迺與論之攸同也刑科都給事中毛
士廣階所知祈余為文以賀余衰朽無似目視盛
美爰不以不文辭書為

聖主得賢臣之賀云

龍飛成化五年歲在己丑夏五月上澣之吉正治上
卿刑部尚書四明陸瑜拜撰

六年庚寅公年五十七歲

春禁抑管庄內史侵佔民地免徒蘇民之邊者八

餘家

○按言行錄弄揚公子器傳云成化庚寅春

周太后管庄內史侵佔民間地產衆民曰無地亦死殺

內史亦死因各執器械逐之內史幾不免奏知

太后太后大怒欲盡徙蘇民之邊者計八十餘家司禮

太監將本下東閣議公曰自古及今未有凍餒的

太后天子以天下為家何以庄為只有內史侵佔民地

未有平民百姓敢侵佔官地

者衆遂得寧而免徙邊庭

三月仲子良臣公展祭丘墓還

朝復

命

夏屢卻萬貴妃物色

○按言行錄云萬貴妃處昭德宮甚慕公名望一日出父像求公贊詞賚幣帛酒禮以贈公固辭不為之贊時又

冊封其弟萬二賚彩段羊酒圓寶賜公公鉅不受

二曰

娘娘懿旨公曰必

聖旨而後可受竟卻之

萬貴妃意甚不悅

秋深為

皇子遠慮

即弘治
孝廟皇帝也

○按言行錄云成化庚寅七月初三日巳卯皇子誕生在廷群臣咸思稱賀公獨以為

皇子生母紀妃原為萬貴妃所忌初聞其有娠遂爾百

方苦楚幸而胎竟不墮乃避居安樂堂託病痞塊

始得相安今雖既產若或颺言安知無日後之悔

遂止不行賀禮然而心不能以不慶幸也因賦詩

三章

○其一

聖祖 神宗慶有餘祥開椒掖誕

皇儲司天昨夜頻占候燁燁紅光統

帝居

○其二

朝來瑞氣藹彤庭宮掖傳宣

聖子生福壽 天齊 宗社永謳誦慶慶動權聲

○其三
聖德巍巍契上蒼
虹流華渚降禎祥
本支繁衍
天潢盛共祝
鴻圖萬世昌

冬撰六元文會詩序

○按序云

六元皆浙士皆浙闈解魁皆仕於

朝寓於

京師成化庚寅仲冬二日胥會於洗馬楊公維新所

六元謂亞卿范公 冢宰姚公夔維新楊守陳

暨予商榷太學友盧君楷維新弟楊守陞先是維

新折簡相招謂恭遇

萬壽聖節行 慶賀禮當得暇至期退自

內閣皆如約而至維新設席具酒穀侍御守隨及陞

迎迓甚恭至即就坐次序以齒司寇陸公瑜維新

鄉舊也主其席選筮豐潔勸酬歡洽司寇言曰

六元文會也盛事難逢不可無述冢宰遂口占

絕有四十年来六解元之句諸公皆分韻賦詩

俾予序亞卿舉宣德己酉鄉薦至是已四十年故

冢宰詩云云然四十年當十四舉解元十四人曰

六元者以一時聚會言之其他或外仕或家居弗

槩及也夫所為元非必學盡優于人以一時偶然

舉首人或謂為難故異之維新此會非異之也以

名之同也名同而道同道同則文會之設豈徒宴

飲之樂而已哉士君子讀書求道將以行之也科

目行道之階耳苟道之不行科目何賴焉予輩皆

仕有官職二上舍行將聯甲科升朝著六人幸相

與以道自勉為上為德為下為民隨事盡誠力圖

報稱以期無負

國家教育之恩無負科目掄選之功審如是則維新

此會與司寇之所稱謂庶乎無愧矣六人出四郡

亞卿天台家宰與予嚴陵維新守陞寧波盧則金華兄弟解元前此兩浙未有有之自楊氏始人為難云

七年辛卯公年五十八歲

冬彗出天田公疏辭職因條時政七事以上

上深然之論曰卿等宜益勉佐理

○按行狀并言行錄俱云成化辛卯十月彗星見于天田西掃太薇北近紫宮上天譴告警懼之意至矣公具疏辭職因條陳時政七事上之一曰崇正道留心聖學毋信異端此脩德之本也二曰謹命令斟酌事體慎其出納三曰親接見覽聽目熟必無補四曰慎賞罰則公道昭而治法立五曰

諫諍則下情得以上達而可為長治久安之道曰勵官守則事功興起而政可善民可安至於

民為邦國之本乞命該部清理三營草場使官軍便于牧放減退勢高

庄田使百姓便于耕作他如各處衛所府州縣官巧立名色科歛培寇軍民者重治以法如此則軍民安生邦國永固矣此六者皆脩德之助也凡此七事實出輿論言之似若違忤行之必有裨益蓋天之視聽在民民心感悅然後天意可回晏嬰曰君無違德何患於彗此之謂也凡二千餘言深切

時宜上覽疏深信然之復諭旨曰卿等宜益勉佐理

○嗟夫倫觀我文毅公此一疏其盡心于職業何如者乃因此天變

召見於文華殿致有萬歲閣老之誚嗟夫幸吳川樓為之言曰尹直云予在內閣時欲請見

三上萬循吉止之曰往年彭可齋每面見一語不合即叩頭呼萬歲不敢盡言今我輩有言托太監轉聞無不允從勝于面對是謂有理愚則謂上下交而德業成此正理也忠臣所深願也不獲面議而托中官轉聞則人臣之不得已矣乃以為勝于面對此豈中正有識之言哉而尹蹇齋以為有理何耶當時萬歲之呼萬實先為之以阿附宦者而彭商輩弗獲已從之夫豈其本心萬歲固老之議萬實致之再不召見萬實與宦官相善表為之而彭商坐為所困耳馴致汪直用事彭商去而萬安權寵愈固樞內閣垂二十年則以能阿附宦者而為之表裏之效也成化之治所以不純萬安汪直二人之罪乎

斯誠名言

八年壬辰公年五十九歲

二月仲子良臣公同考禮部會試天下舉人遵

命選吳寬等二百五十名南平登第者一人吳珙曾拱辰

三月公奉

上命廷試吳寬等二百五十人復奉

命撰進士題名記

○按記畧曰

天生賢才以資世用固貴于取之有道尤貴于教之有素成周三載賓興賢能之制此後世科目之兆也然而六德六行六藝已預教于未進用之先是以賢才之出濟濟其盛風俗之美治道之隆不可及已下逮漢唐宋科目無定名人才無定業或以

孝弟賢良舉或以詩賦經義進教之取之之道雖未能比美成周而所得豪傑之士亦足以輔成當世之業功光信史有足徵也洪惟我

朝

列聖相承誕敷文德學校之設偏于天下科目取士一以經術夫經術者致治之本也古昔聖賢嘉言善行具載于經學者誦而求之固將體之于身心而驗之于事為一旦出由科目舉而措之所以致君澤民者在是所以建功立業者在是此我朝作興人才之道所為有合于成周而非漢唐宋所及也

皇上克篤前烈益敷文教求賢圖治宵旰孜孜諸士既親承簡拔進于顯榮得不思所以報稱之哉報稱之道無他亦惟反之于身而加夫踐履篤實之功使聖賢言行不徒見于誦說而已如是人將指而稱之曰經術果足以成賢也科目果足以得士也

此則邦家之光斯文之慶不然詞雖工而實行無取何以

仰副

聖明求賢之盛心乎宋儒有云通經之士固當終身踐言始為不負所學謹誦此以記其尚勉之哉

四月十二日

賜公誥命階資政大夫兵部尚書兼翰林院學士又誥進贈公祖父父各如公官祖妣胡氏妣解氏各贈夫人妻盧氏封夫人仲子良臣公

賜勅階文林郎

○謹按

制曰國家慎簡賢才置諸內閣匪徒代言輔德之是任抑亦經治贊化之所資故自學士以進于六卿職愈加而任愈篤苟非宏材碩學卓識偉度之士曷克副予之屬望哉咨爾兵部尚書兼翰林院學士商輅文學優深才器宏遠早膺魁選歷事

先朝史局詞林聲猷偉著經緯綸閣勞勩彌彰曩既被於謔誣久退安於田里賴朕簡知有素召用弗疑遂仍長翰之清資特加司馬之重秩而能竭誠匡弼式副予懷歷歲滋多寅恭匪懈顧茲懋績可無異恩是用進爾階資政大夫錫之誥命以示旌褒於戲陳仁義于前予惟汝望告謀猷于內爾無我違尚篤弼諧登于至治欽哉

制曰朕圖任舊人與之共政恩數所及既為其祖考之華禮秩攸加必增乃閨門之賁所以厚人倫而出治道敦世教而著恩典也爾兵部尚書兼翰林院學士商輅妻封淑人盧氏儀範族姻相良人忠以弼朕精中恩典以旌爾賢茲特加封為夫人益茂欽承永克閨闈

制曰自古積德之深者必昌其後為國之切者必顯其先肆朝廷既寵用其子孫因追賚其祖考所以廣勸忠之道而弘致治之規也贈嘉議大夫兵部左侍郎翰林院學士兼左春坊大學士商敬中乃兵部尚書兼翰林院學士輅之祖學完諸古德積躬延譽卿邦垂慶後裔為予近弼乃爾賢孫於厥所從宜隆恩典茲特進贈爾為資政大夫兵部尚書兼翰林院學士於戲積厚發宏理之常也位隆恩渥朕豈私乎服此光榮永綏厥徽

制曰人臣事君以忠固重裕之有源人君使臣以禮豈迫遠之可忘忠厚之道攸存激勸之典斯在爾贈淑人胡氏乃兵部尚書兼翰林院學士商輅之祖母夙持德善作配君子慶澤弘衍鍾于令孫朝

夕論恩在朕左右宜有寵錫以旌本源茲特進贈爾為夫人朕此休嘉永光幽室

制曰臣事君以忠必遂顯親之願父教子以義必蒙推恩之典惟官愈進而忠愈勵肆親愈顯而恩愈

隆斯以見下無怠滿之心上有激勸之道也贈嘉議大夫兵部左侍郎翰林院學士兼左春坊大學

士高仲瑄乃兵部尚書兼翰林院學士轄之父脩德于已施惠及民忠厚表於鄉邦恩義周於姻族

篤生賢子顯用于朝宜錫深恩以彰善慶茲特進贈爾為資政大夫兵部尚書兼翰林院學士於戲

潛德幽光不亡者存永庇爾後克諧厥終制曰賢才為國家典辭命恭機務講論經史以弼成治功者亦惟承世澤服家訓所致肆褒嘉之命必

及其親所以隆恩典而昭善教也爾封太淑人解氏乃兵部尚書兼翰林院學士商轄之母賢明淑

慎盡相成之道于家恭儉慈仁施教訓之德于子肆朕得圖治之佐而爾膺褒善之榮在重本原間存歿茲特進贈爾為夫人歆予寵章福爾賢嗣

勅曰翰林居禁密之地編脩預國史之司所以備纂述而公紀載明得失而示勸懲自非操履之端文學之富曷克以膺是選爾翰林院編脩商良臣蚤

承家學繼武賢科進學中秘今職懋脩弗懈纂述惟勤宜有褒嘉以旌勞勩是用進爾階文林

即錫之勅命以為爾榮其益勵乃志益進乃學使明足以燭理道足以適用智足以周知文足以發

隱如古之所謂良史者可也尚有顯秩需爾後效欽哉

勅曰婦從夫貴不以存歿異恩蓋重人倫之始敦風

化之本也爾翰林院編脩商良臣妻蔣氏夙敦婦道善相其夫命之不齊曾弗偕老茲特贈爾為孀

人九原有知服斯寵命勅曰國家錫命群臣而必及其室家者所以嘉內助

勅曰國家錫命群臣而必及其室家者所以嘉內助

勅曰國家錫命群臣而必及其室家者所以嘉內助

之賢示恩意之廣也爾翰林院編脩商良臣繼室齊氏克脩婦道允宜厥家夫既顯榮爾宜偕貴茲特封為孺人服此禁恩永光閨闈

九月患疾不朝

上遣中官賜瓜菜殺饌甚盛挾御醫常川視候疾愈乃已

九年癸巳二月二十五日公適六旬初度之辰

○按言行錄云成化癸巳春公值六旬壽旦二子良臣公良輔公稱觴奉祝而在朝文武諸臣亦多慶賀者公悉不受

二十七日蚤朝罷應

制謨西洋駒詩一章以進

○按詩云天生駿骨真奇哉貢之遠自西洋來西洋神駒何所致雲霧晦冥初降胎身簇丹砂蹄削玉月鏡夾瞳耳批竹追風掣電氣如虹裔夷得比那敢畜當時

皇祖御宸極德化覆冒西南國海不揚波風不鳴重譯來朝靡虛日豈無犀象與珠貝不貴異物貴良驥玉堦控獻

聖情怡振鬣驕嘶如有意天開自此識龍種駕臨一見覺神悚孳生歲歲蕃且息廐廐充物如雲湧如壇有事備威儀錦韉寶絡光陸離和鸞前道恣容與凡馬不許爭馳驅

三月初二日亥時盧夫人以疾卒于官邸

上遣太監賈鑑寶香帛往慰

命有司治喪具

遣禮官致祭

十三日疏救民困

上是其言

○按行狀及言行錄傳記具載云適夫人賓天之時
正天下水旱相仍之日公雖在制中不忘

國事上疏極言人民艱食餓莩在目乞省科歛減力
役寬夏秋之稅弗徵弛山澤之利弗禁庶民困

天意稍回

上納其言發戶部
即便施行

五月二十一日

勅兵部尚書改戶部尚書兼職如初

七月十九日

勅兵部備脚力發廬夫人喪以歸

勅工部進士何鍾隨二子扶柩至浙江營葬于本縣港

口鎮對河大鳳凰山麓

○按故老父云廬夫人喪柩到杭州北新關布按三
司大小官員盡皆衣白出武林門行吊禮輒隨二

孝子過南關至錢塘江頭各各致祭一時異之

遣浙江等處承宣布政使司右布政使審良

諭祭

○謹按御祭文詞

皇帝遣浙江等處承宣布政使司右布政使審良

諭祭于兵部尚書兼翰林院學士商輅妻夫人盧氏

曰爾以淑善歸於賢哲柔儀有光閨闈是則秉采蘋嚴敬之誠勵雞鳴儆誠之德協相夫子為朕輔

弼鸞誥屢頒已加于二品鵲巢重賦宜彰于四國胡不百齡遽茲亡歿計音來聞良用憫惜厚加卹

典用示殊恩錫賻給棺歸喪營墳特茲遣祭察其欽承

太子少保吏部尚書彭公時撰墓表

禮部尚書萬公安撰墓誌

翰林院侍講學士尹公直撰輓詩序

○按墓表畧云盧夫人天資高明識量遠大事舅姑

以孝相夫子始終一以敬治家有法呵叱不聞而人咸樂于用命貴而能勤儉而好施念外家衰替

迎養母何孺人終其身喪葬以禮享年五十又六初封安人再封淑人三封夫人每歲入覲

兩宮總十有五次皆受彩幣寶楮之賜人尤以為榮

○按墓誌銘云淑哉夫人來嬪宜家寃諸所履曰德

匪他為婦斯孝為妻斯恒為母克教德眉靡成肆天監茲錫多胤祉生歿哀榮兼承有幾吉壤之原

○按言行錄云盧夫人卒于京邸將啓柩歸公亦為

文祭之文曰爾長名門蚤閑內訓識趣高明德性純粹年方十七來嬪于吾下和妯娌上奉舅姑勤

儉孝敬人皆稱賢我逾一載領薦朝 天名列乙
 榜例除教職辭之弗就歸學鄉邑於時不幸遭家
 中衰父兄繼歿舉室興哀我講危疾展轉弗寧爾
 於是時憂苦曷勝兩試南宮仍辭一科業進太學
 三載已過爾奉老姑家居寂寥二子一女撫育甚
 勞紡績織維內給衣食北望天涯奉奉朝夕我既
 登第拜官翰林爾奉老姑及母北行數年之間食
 息僱安爾執儉勤弗異于前已而被誣解官南歸
 重新家業心勞神疲及承
 召命偕以來京我復舊職子亦名成滿期與爾偕老
 百年異日歸老同樂田園云胡一旦棄我而遊肝
 腸摧裂此恨曷休嗟爾生存三受
 恩封命服在躬亦既顯榮茲爾云歿
 九重興惻卹典便蕃恩尤殊特爾之二子各率婦孫
 扶爾之柩歸塋故林爾柩既還爾魄依我持我助
 我庇我護我保爾子孫有隆弗替庶爾之福延于

世世靈車屆行永訣千春嗚咽流涕情非筆盡
 魂如在鑿此哀詞夢寐之間庶或見之 嗟夫
 公祭夫人此文雖只述一生相與履歷事体而夫
 人之賢德畢見矣况重九則祭冬初冬至則祭歲
 暮祥禫則祭其文皆有可述此不能具載夫人之
 賢德畢見矣是以終公之世不復再娶即媵妾並
 未有置公之篤於夫
 婦之誼又何如哉

十一月二十一日奉

勅編纂宋元二代通鑑綱目

○謹按

勅曰朕惟經史有資於世尚矣雖立言垂訓不同
 植綱常淑人心一也我

皇高祖太宗文皇帝留心經籍嘗表章易書詩春秋

記及孔魯思孟之書名曰五經四書大全真萬世
 不刊之典未遑及史若有待焉且歷代史書惟生
 文公通鑑綱目詳畧得中可以輔經而行其傳刻
 有異同差訛者朕已命卿等校正入梓矣顧宋元
 二代至今未備卿等宜遵依朱子凡例編纂宋元
 二史俾上接通鑑綱目共為一書以副朕稽古
 文繼述

祖宗之意務求精當毋冗毋畧應用編纂官屬仍推其
 成有學識者數員先具職名以聞故論
 按言行錄云宋元二代史書公於景泰六年曾已
 承

命脩纂因未成書故於成化九年復奉
 勅編之歷四寒暑至
 成化十三年方成

十年甲午公年六十一歲

春三月疏陳弭盜之方

上然之

○按行狀并傳云成化甲午春京城內外盜賊遂起
 公上疏陳弭盜之方乞降

聖旨榜文一道發都察院遵依謄寫各處張掛曉諭令
 賊黨中有能指稱同類姓名并打劫實跡赴通政
 司或兵馬司或巡捕官處先行密首者即免本身
 罪犯仍給各犯贓物一半充賞出首之人官司不
 許生事拘留即放自便

上深然之依擬及榜文一出而盜果頓息

夏六月仲子良臣公勸發賑濟嚴民

○按倪公岳誌云成化甲午夏月浙苦於澇而嚴州
 尤甚仲子良臣公適丁內艱在家不忍坐視乃抵

年譜 卷之三
書局守勸發以食飢者守從之民多全活未幾有
司徵絹且亟復抵書巡撫都御史俾得以銀折絹
而民困少甦一時士夫人民莫
不感激羨賞僉謂其有父風焉

冬十一月賞復

聖主徽號

○按言行錄并傳誌吾學編云成化甲午冬十一月
上一日與公在

文華殿議及

卿王監國事公言

卿王實有社稷功當復其帝號

上心於是不能恣然者矣故未幾遣懷恩至

內閣會議衆莫敢言亦莫能言公獨以為當日目擊

其事身履其艱今承

上顧問而不言何時當言乃備陳其所以當復帝號之

故詞極剴切至於泣下左右皆泣懷恩入奏

上益感悟即降

勅旨告諭文武百官曰曩者朕叔邸王踐祚戡難保

邦奠安宗社亦既有年屬寢疾彌留之際奸臣貪

功生事妄興讒構請去

帝號

先帝尋知誣枉深懷悔恨以次抵奸於法不幸上賓未

及舉正朕嗣大統一紀于茲敦念親親用成先志

其卿三可仍舊

皇帝之號謚曰恭仁康定景皇帝公乃舉手加額贊

揚曰

皇上此舉真堯舜之盛德也

○羅康洲曰景泰廢易

儲宮

憲廟不以為憾而乃追成先志復其位號加以美謚即

二帝三王之盛德無過於此彼藏怒宿怨而忘親親之恩者不為我

憲廟之罪人哉

十一年乙未公年六十二歲

三月奉

上命廷試王鏊等三百人

○按言行錄云公在當時以三元居相位剛正果決名望之隆重朝野注仰非朝夕矣故如天順年間

不在其位則已一再秉鈞朝廷必命以廷試斯蓋其第五次焉

四月奉

勅進兼文淵閣大學士

五月委曲疏陳

皇子弘治及帝

皇祖母紀皇妃

上始召見

皇子命

皇子名

賜公彩緞表裏徒

皇子母紀皇妃居西內永壽宮

○按言行錄云初

皇子母紀皇妃每為萬貴妃所忌故雖懷孕託言瘡塊

另居安樂堂是以既產而

上與萬貴妃皆不及知紀皇妃因而抑鬱成病迨今年

四月所立萬貴妃所生

皇太子御名祐極患痘疹薨已謚為悼恭太子

皇上方以嗣續為憂而紀皇妃子至是則亦已六齡故

禁中漸傳西宮有一

皇子然皆憚萬貴妃之忌無敢語者公獨婉轉委曲上

疏言之疏畧云

皇子聰明岌岌

國本攸繫天下歸心重以

昭德宮殿下保育恩愛踰于已出凡內外群臣以及

都城士庶之家莫不交口稱賢此誠

宗社無疆之福也但外議皆謂

皇子之母因病別居久不得見揆之人情事體誠為未

順伏望

勅令就近居住俾得朝夕接見以遂母子之至情愜

朝野之公論疏進萬貴妃口雖驚言何不令其早

知而心實不得不憚於是遂乃啓

上召見

上始召見

皇子皇子一見

皇上本屬天性輒僕入

皇上懷中相持淚下又且無度不凡

皇上撫之大喜萬貴妃亦隨具服進賀因未有名

上手勅內閣禮部會同翰林院具擬不稱

音

上親名之曰祐禮賜公等彩緞表裏召

皇子母紀皇妃亦厚賜之徙居西內永壽宮禮數一視

皇妃中外聞之大悅既而文武大臣請立為
東宮

上命待稍長

行之

六月二十八日

紀皇妃殂公上疏請以禮殯葬

上從之追封為淑妃

○按言行錄云成化乙未五月

紀皇妃徙居永壽宮六月二十八日遷葬京師藉藉

謂受萬貴妃籍即有疾是薨於賜也公慮後必有

言者乃復舉宋李宸妃故事具疏上言是以得追

封為淑妃此殯葬悉如禮焉及至

孝廟登極之年尊母紀氏為

一縣丞徐頊者上疏請免

紀皇妃薨逝之由以復不共戴天之讐當時診視太醫

院使方賢治中吳衛等俱宜逮治下禮部議禮部

覆本請拘萬家親戚眷屬曾經出入宮闈者究問

萬公安劉公吉皆與萬家通好非一朝夕至是懼

甚私謂尹公直曰我與萬家久不相往來矣直慰

之曰此事只宜寬處株連蔓引共興大獄豈

先帝意哉安等喜曰此言是也乃擬占以為外面浮議

竟已之嗟夫文毅公舉宋李宸妃上疏誠恐其有

此議耳渠非先見之明耶

○按吾學編曰李文達公賢遇曹石巽以行權商文

毅公輅處永壽昭德兩宮順

以濟險斯實難也誠為至言

七月蒙

上賜御製四季聯環詩及

大明一統志貞觀政要等書公隨讓四季詩四章以進

○按春季詩云

聖皇御極仁政新幹旋造化回陽春淑氣先從大地至
和風被物資陶鈞不須羯鼓催花發上林已覺生
意津千紅萬紫匪雕刻群芳庶類隨天真四郊遊
樂足歌舞擊壤豈獨稱堯民

○按夏季詩云

祝融南來日初長火輪迸焰紅旗張暑氣蒸人如
坐甑纖絺翻汗誰能當

聖情孜孜重憫惻仁風及物咸阜昌憶昔武王蔭暘若
至今千載名猶彰殿閣生涼炎熇遠清陰願施均

四方

○按秋季詩云

桐梧金井天下秋
桐梧金井天下秋
色皎對此可以忘有憂
腹聞譎謳風雲慶會良不偶匡時欲使庶政脩致
君堯舜萬千古功烈豈肯卑微休

○按冬季詩云

往聞天氣當嚴冬
欲拊小民無禍憂年凶
聖主崇邦本思兼圖易勤三農賜衣發廩意慈後
溫詔敷下寬祖席太平景象
逐春轉坐令萬國躋時雍

八月十三日得第一會孫命名承慶

九月奉

上命讓重建南京朝天宮文

○勅重建南京朝天宮碑文

太祖高皇帝受天明命定鼎金陵辨方正位宏建都邑首開明堂以

諸侯尋飾琳宇以崇上帝若朝天宮者實百官遇節朝賀先期集儀之所况

他宮觀制度尤異其地在宋為天慶觀在元為太

壽宮而朝天之制則太祖所賜者也

列聖相承時加脩葺天順辛巳弗戒于火殿宇延燹始

盡成化庚寅禮部尚書鄒幹等奏舉道錄司右玄

義李靜觀圖維興建靜觀等擇明年辛卯閏九月

吉日告神與事具實以聞上命南京工部出給黑綠琉璃瓦三十餘萬及木柱

等項差發軍夫工匠協助斯役也殿宇屋閣門地

凡百四十餘間周圍墻垣宮之前牌樓二南偏門

天官北邊萊真境規制悉遵前冊曠之施金碧之飾靡不應法越六載畢工觀

等復具疏請紀述制可命詞林譔文臣輅竊惟帝王之有天下莫大於

事神治民尤莫大於繼志述事我太祖高皇帝撥亂反正立綱陳紀治民之道固已纖悉

弗遺至於類禋望徧常祀之外凡所號天帝之居靡不崇飾豈非事神之誠無所往而不存乎恭惟

皇上嗣大歷服懋隆繼述謂南京興王之地根本所繫百官有司之治宗社神靈之奉一循舊制矧朝天為宮大禮伊始衆

庶具瞻可使鞠為瓦礫而弗加興建乎書曰靈承于旅克堪用德惟典神天中庸曰夫孝者善繼之志善述人之事於我朝列聖見之矣臣輅謹拜手稽首而獻頌曰於惟太祖實天生德執符御曆肇建都邑都邑翼翼四方取

則官有恒所民有定室紀綱法度繩繩秩秩乃尊
郊廟乃崇

社稷祀事孔嚴誠敬靡斁爰及琳宇咸加葺飾神靈
所依朝儀是習鬱攸肆縮遂成是樂仰惟

皇上善繼善述爰詔春官興復是方殿庶塔墀悉遵舊
式土蕝材良人樂赴役重營學飛且棟傑特塗

丹雘間以金碧美哉命與有加於昔
上帝居歆人心悅懌祚我

皇明永永
無極

十月仲子良臣公服闋赴

編脩

十一月疏請立

東宮

上命撰誥文一道立

皇子為

皇太子隨進表稱賀蒙

賜白金彩緞

○謹按

誥曰若昔大猷繼天垂統必立儲貳以隆萬世之業
以繫四海之心朕丕纘令緒寅奉神器遵

祖宗之成憲法

帝王之弘規用建元良以正國本咨爾皇子其天資粹
美日表魁奇體備溫良性全仁孝幼儀可象主

宜歸今特授以勅寶立為皇太子正位東宮慎乃
德惟忠惟孝欽汝止惟幾惟康惟誠與敬足以臨
民惟儉與勤克以廣學惟親正直遠諛佞斯業可
大惟戒逸慈崇節儉則福愈久用服膺我明訓以
承我

宗廟社稷延國家萬萬年之慶爾惟欽哉

十二年丙申公年六十三歲

二月十二日

勅戶部尚書翰林院學士兼文淵閣大學士商輅陞
太子少保改吏部尚書兼職如故復

賜冠帶金織麒麟一品服

卷之四